


地 260.193  
35



建始縣志

建始縣志卷目

卷之上

星野 附疆域山川形勝

戶口

田賦

職官 附名宦

祀典 廟壇寺觀

學校 附選舉

卷之下

武備 塘舖

建置 城池倉庫衙署關梁

貞節

風俗

物產 穀蔬菓藥材水鳥獸

藝文 文詩



建始縣志卷之上

星野志

星野之說後世言灾祥者多宗之始竇濫觴於左氏傳中其理非無稽顧往往言人人殊而離析乖隔靡有折衷建之為邑舊志所謂翼軫分野者豈篤論歟為考辨而更定之而疆域山川形勝附焉志星野封域皆有分星其說見於周官或繫之北斗或繫之五星要其可驗者十二辰所屬而已建始分野昔人解以翼軫此殆據唐書天文志自房陵白帝而東之說也竊思白帝之東謂鄖都羅巴江陝峽歸醴郢等處則然謂建始則不然建在夔南而以位乎東者配之野之不定星何由而準耶即翼軫屬楚亦大概言之如德安府之隨州襄陽府之均州光化竇居張分何有於建長沙府應軫旁之小星長沙故曰長沙且不得統以翼軫分之何有於建建本屬地楊升菴成都省志曰綿州背分合州參井分餘皆井鬼分前明天文志引以為斷是時建尚隸蜀則井鬼之說從長即今歸楚又豈得以翼軫例之耶矧一為鶉首之次井九度至柳三度也一為鶉尾之次張十六度至軫九度也部署分明烏容錯置或謂翼軫之分蜀不得

以混楚并鬼之分蜀胡為而附秦不知秦可該蜀談  
天文者若孔賈馬鄭諸儒皆合併為言况蜀之名至  
秦擔而始見而鶉首為雍梁二州實分一宿僧一行  
固已言之鑿鑿且星有兼及者彰德渾源境分豫晉  
而昴畢同垣彼與此不必分也青萊膠登悉屬齊疆  
而虛危判舍彼與此有必分也即以翼軫論爵林合  
浦暨黔安之左皆其光輝所被詎得泥遠近之見以  
相衡哉縱謂吳越南而星紀在丑魯東而降婁在戌  
秦西而鶉首在未趙北而大梁在酉亦有相反而相  
屬者但此以主祝言非因分國始有分星伶州鳩之  
議鄭漁仲已辭而闕之矣載稽西法列宿七十年有  
竒退一度退則移宮信如西法亦必二千一百餘年  
而宮始移豈有置目前之星象不論而懸擬二千一  
百餘年之推遷且安知其所移者何宮而顧以翼軫  
當之耶其亦謬悠之甚矣又疑蜀楚之交為并鬼之  
十二度終而翼之十度入歷攷星野雖壤地相錯皆  
不紀餘分謂逾建即翼之分野可也謂楚蜀之交翼  
與并鬼會不可也夫翼主三公軫主宰輔昔賢謂非  
一郡一邑之占持論固拘於墟然惟有定野斯有定  
星有定星斯有定度星度定斯徵應不淆建之為野

梁州之域也其星井鬼也而度則鬼也合史志觀之  
明白曉晰無可疑者雖井宿中之軍井十三星今祇  
存五鬼宿中之外厨六星今亦祇存五而其宿固懸  
象而著明焉

### 疆域

漢巫山地晉置建始縣後周改業州隋廢州以縣屬  
清江郡義寧初復置葉州唐貞觀中降為縣屬施州  
宋元仍舊明洪武時改設施州衛遂以縣屬四川夔  
州府

國朝因之乾隆元年湖北改施州衛為施南府撥建始隸  
焉縣在府東北一百二十里東至宜昌府巴東縣界  
一百六十里土地嶺分界東南鶴峯州二百九十  
里虎鵝嶺分界南至恩施縣界三十里龍駒河分界  
西南至恩施界十五里猫兒坪分界西至恩施縣界  
三十里麂子渡分界西北至夔州府奉節縣界八十  
五里三角橋分界北至夔州府巫山縣界一百二十  
里大石嶺分界東北至巫山縣界九十里柳蓮荒分界

### 山川

祿山治東十里土人呼為羊毛頭

州基山治東三十里俗呼棉花堤相傳為舊葉州

銀山治東三十里石壁陡峻色白如銀

石乳山治西二十五里山谷葉州山行詩石乳濺如沫疑是龍駒噴亦奇觀也明史地理志建始縣西有石乳山產麩金今不復見

文治山治南五里形似筆架即襲家巖

猿啼山治西二十五里上有雲霧觀

連珠山治西南十里即朝陽觀來脉

當陽山治北四十里有一巖日光映之故曰當陽旭日縣前河源出治西北當陽堤上為奉節界羣山崕岬隱蔽天日泉從山罅懸注而下俗呼為洪巖大漂流

漸遠羣水湊之遂成河經龍門子晏公潭由縣城西南行遶城東有小河自馬欄溪入之又東二十餘里與兩溪河會下為馬水河

兩溪河在縣之北自浦潭溪折西北流有桐木溪自西來會又南有木瓜河會二水自西北來故曰兩溪亦名兩會口八景中所謂兩溪春漲也曲折東流與縣前河會

龍駒河源出石乳關巫建兩邑交界舊志以為石耳關河自石乳關非是東流為太陽河經麂子渡下始名為龍駒河又東流至大沙河下會南里渡入清

江清河大沙河即馬水河下流也至此則建邑西北之水盡會矣

河水坪河源出治東望坪下名東路河始可濫觴流三十餘里經三里埧河水坪地稍平行水面漸寬又數里至鷹嘴觀山下山開豁若門水平流入之捕魚者可循崖而進入稍深底下陷水懸注俗呼落水洞人跡不能到矣水潛行約二三里自山南出與馬水河下流合入清江河毛茸河源出治東龍潭坪南流為枝津河下為毛茸河至巴東之桃符口入清江河清江河出四川石龍關東山東南曲流百餘里又東至忠孝司北有二水並來會北流至火鋪塘伏馬北出於重山折而東又東數十里至恩施縣北境合龍馬河大河乾平溪諸水南流又東南折面東北經三岔口塘施南司東鄉司北迤邐二百餘里又東入建始境龍駒河自西北來挾境內諸小水來注勢大盛建邑河皆淺狹多灘石罔施舟楫惟茲河可乘舫艇至長陽易以大艦過宜都城西北合西南來之漢洋河入大江自發源至此屈曲行八百餘里受諸縣水無數

形勝

朝陽觀在縣治西三里觀踞山巔山聳峻磴道隘而險徒步數憩始得上極目遠眺闔境諸山皆若培塿俯瞰縣城萬瓦鱗萃瞭如指掌洵可供人遊覽他山太高輒患枯竭而茲山頂水田冬夏泉源不涸亦一異也

石通洞在朝陽觀山下大山中空門當山麓穹窿如屋形入門左旋而上逶迤曲折可容數十百人洞頂豁開仰見天日他洞沮洳此獨燥他洞幽暗此獨明右壁鑿床遊人多携飲具趺坐咏詩具上覺塵氛迫隔也壁間鐫涪翁二字畧可辨識相傳黃魯直貶涪州日弟嗣直令巫山乘視因遊斯洞故邑人詩多及之然洞中無山谷題咏也

石門在縣治東一百二十里巨石礪碣下臨絕澗人穿石中右壁若左柱若上楣若儼然圓扉焉出門右石壁穹窿上覆如屋垂雷乾隆三十九年撫憲陳公因石壁作寺塑佛像前裝櫺栢莊嚴幽奧疑自靈鷲飛來立寺外望隔岫白石如虎伏諺謂石門對石虎也兩岫側聳若相趨可超而越由西百折千迴而下踰澗復百折千迴而上約七八里而遙澗底有石橋橋上有亭旁有石欄憩坐其中望兩岫懸巖萬仞烟



霧迷漫林木陰翳仰視天光一縷泉灑灑亂石間令人骨悚魂驚殆別有天地非人間矣東岼上有廟名對佛寺四十三年三制臺創修供佛觀制宏敞與西岸寺俱稱勝境云

関口在縣治南由縣城行百六十里有清江河河北岼山綿亘數十里疊嶂層巒峭壁懸絕猿獠愁度中有大石聳峙若門名曰関口出口僅一綫道左紆右折而下騎與難施自口至河濱約十五里明季居人累木石於上以防賊寇

戶口志

登天府而拜受民數願不重歟建邑戶口其於

國初蓋寥寥焉際

四聖相承百五十年休養生息岼嶮迴叢之所烟村彌望其他區寓抑又何如其極盛也志戶口

建始舊編坊郭大安長受景陽新隴永福草塘凡七里明季流氛荐禍容美上司乘機肆虐草塘等里在清江河以南皆被侵擾縣中絕人烟者數十年康熙二十年後寇亂削平百姓復業者僅八十戶編坊郭望餘里裁汰然新隴草塘遺老猶有能指其地者雍正七年川湖兩省文武官弁奉

旨會勘定界建邑始復舊壤乾隆元年各土司歸誠向化  
湖北始設施南府改建始隸焉編坊郭里一甲二甲  
大安里三甲長受里四甲今之三里即昔之七里也  
乾隆二十年奉文清編保甲戶一萬六千有零丁口  
七萬有零四十一年編查戶二萬四千有零丁口十  
四萬四千有零近生聚益繁四十八年編查冊載三  
萬五千七百四十五戶十七萬零八百三十六丁口

### 田賦志

賦出於田而茲邑介居深山其可為田者蓋少今太  
平久而生齒繁建邑民人不憚宵晝作苦相携其士  
婦孺耨闢草萊刈荆棘以有此田也媿畦彌目課額  
頻陞性荷

聖天子德澤汪濊

恩詔頒布永不加賦建之民其尚踴躍輸將無虧正供是  
則食毛踐土之所以仰答

鴻慈於萬一而亦守土者所藉手以告無罪戾也夫志田賦  
舊志載明初徵糧二千四百石有零正德七年歲凶  
民逃被容美土司侵佔申訴題請減去一半萬曆四  
十八年造同板冊載糧一千二百九十六石內有八  
十石係容美混佔即草塘承福二里之糧也明季寇

亂地無居人田盡荒蕪糧額全虧我

朝定鼎後民漸復業康熙六年清丈起至六十年止陸續報墾任糧上中下田地共二百三十四頃九十一畝六分零共載糧八十四石二斗二升零並丁條銀共徵糧銀一百七十六兩三銀九分一釐

乾隆二年建撥屬楚省仍照四川例按畝徵銀不科糧新舊田地共一千三百零三頃四十一畝一分二釐共徵丁條糧銀七百五十二兩八錢九分五釐

乾隆十九二十三二十六二十七三十一三十二四十三等年分陞墾額外田地三百一十頃四十三畝三分九釐有零徵丁條糧銀一百三十五兩四錢四分一厘又乾隆十八年恩施縣撥歸民屯田地除荒糧荒銀外實在成熟糧一百二十八石五斗二升二合額徵銀立十六兩六錢八分九釐丁銀七兩三錢五分又乾隆四十三年分陞懇額外屯田十五畝八分二釐有零該糧一石五斗七升六合徵銀七錢一分丁銀九分一釐以上民屯田地原額並陞墾六徵丁條糧銀九百五十三兩一錢七分六釐遇閏加增銀五十一兩零五分二釐

職官志

山深林密地少夷曠民鮮上著俾又伊孔急哉稽建  
邑田賦蓋不足供官矣

望坪在城東南距城一百二十里建邑峯巒梯比或  
數里或十數里之平則曰坪如七里河水坪是也人  
行山中偶遇夷曠則心目開朗而茲坪境尤奇勝畦  
塍毗連棕柳間映頗似江南風景坪中崛起石峯山  
脚週圍不三里而岑巖直接宵漢外山環為垣壩中  
峯則孤撐一柱也唐張淳友送王龜齡守夔詩有此  
行經葉州飽看峯一柱殆指此歟峰頂有廟有故明  
嘉靖年間建碑

三角橋在縣治北八十五里為建巫奉三縣界山高  
聳而北下尤峻崖石偪仄不能展步俯瞰虛空教武  
一折地係至大溪負鹽通衢往來者莫不畏其峴仄也  
聖天子軫念民依不惜重費

國帑月俸有加設茲文武員弁以撫育此黎元也官斯  
土者宜何如其兢兢自愛夙夜勤勵以無負董正治  
官之

至意歟考前志名室間有是守官供職之堪為師表也

### 志職官

知縣 始於前明共二十八人僅可紀其鄉貫

史善 真定人

熊珣 新淦人

雷斷

段顯 昆明人

熊元吉 巴陵人

陳奎

章度 常熟人

崇智 天長人

宋清 宜山人

伍文震 松滋人

裴思聰

陳允階 莆田人

李睦

梁傑 湖廣人

曹琪 陝西人

譚朗然 茶陵舉人

張潮 增城人

曹其重 平定人

趙恕 貴州人

李思 福建人

顧天佑 雲南人

尹理

唐仁麟

楊斯周 雲南人

儲乾

林廷輝 福建人

王世道 河南人

李占春 江西人

本朝左其選 義陵人 康熙三年在

譚性學 廣東人 康熙十二年任

祖建藩 遼東人 康熙十九年任

宗芳 江南人

龍雲錦 廣東南海進士

吳季芳 湖廣進士 康熙三十三年任

史晟 福建晉江舉人 康熙二十六年任

李新德 山東舉人

武令謨 山西太原進士 康熙四十年任

劉珙徵 江西臨江進士 康熙四十六年任

趙烜 浙江貢生

王原圻 江南貢生

祖永繩 鑲紅旗監生 雍正五年任

武怡 陝西臨潼舉人 雍正八年任

范汝軾 河南進士 乾隆五年任

鄭晉 福建舉人 乾隆十二年任

尹可謨 廣西拔貢 乾隆十四年任

陳愷 湖南舉人 乾隆十六年任

邱岱 鑲黃旗舉人 乾隆十八年任

余本 廣西嘉應監生 乾隆二十二年任

譚世選 貴州印江拔貢 乾隆二十九年任

嚴錫純 浙江餘杭進士 乾隆三十一年任

陳璽書 貴州平遠舉人 乾隆三十五年任

何毓椿 貴州鎮寧舉人 乾隆三十六年任

劉永誠 江西南豐舉人 乾隆三十七年任

吳森 江西南豐進士 乾隆三十七年任

陳圖 江西廣昌舉人 乾隆三十八年任

錢烜 浙江監生 乾隆四十年署

吳冠賢 山西太谷舉人 乾隆四十年任

潘鴻儒 江西桐城監生 乾隆四十三年署

桐城隸安徽省

浙江無海陽

宜興疑江蘇

江蘇兩字誤

朱肅原籍貫待改

孫日秉 奉天進士 乾隆四十年署 陝西長安舉人 乾隆四十四年任 鄭世鐸 陝西長安舉人 乾隆四十四年任 陳瞻燧 浙江龍泉舉人 乾隆四十八年署

王良棟 直隸大興舉人 乾隆四十九年任 王維屏 直隸遵化州舉人 乾隆五十年署 趙源生 河南許州鄆城舉人 乾隆五十四年任

朱鳳鳴 浙江海陽舉人 嘉慶三年署 王文麟 河南商邱監生 嘉慶四年署 張鳳池 浙江紹興舉人 嘉慶四年任

將遇春 浙江宜興吏員 嘉慶七年署 張元德 山西太原舉人 嘉慶八年任 呂應熊 陝西西安舉人 嘉慶八年署

羅洪鑄 四川合江拔貢 嘉慶八年任 劉性謨 江西 嘉慶十七年署 楊兆杏 湖南沅州府黔陽縣舉人 嘉慶十七年任現任

邵朝縉 浙江杭州府杭縣監生 嘉慶八年任 徐逢甲 湖南長沙瀏陽 貢生五十二年任 楊馥孫 浙江嘉興府平湖縣人 乾隆五十三年任

張用 陝西西安三原府貢 乾隆五十三年署 俞榕 江蘇太倉嘉定州同 乾隆五十七年任 左振麟 浙江紹興吏員 嘉慶三年任

李桂芬 浙江江蘇吏員 嘉慶五年任 彭之材 江西袁州拔貢 嘉慶七年署 馬國瑛 甘肅涼州永昌吏員 嘉慶八年任

魏繼鴻 江蘇常熟吏員 嘉慶十三年署 姚應銓 浙江紹興監生 嘉慶十四年任現任

訓導 始設於雍正二年

賀元亮 四川歲貢 傅于位 四川歲貢 岳爾藩 四川歲貢 雍正八年任

鄔士堂 江西歲貢 乾隆二年任 許元淳 房縣歲貢 乾隆四年任 朱肅原 江西進士 乾隆九年任

黃道達 安陸舉人 乾隆三年任 袁釵享 公安舉人 乾隆三年任 段枝萃 沔陽舉人 乾隆三十年任

江會默 麻城舉人 乾隆三年任 李飛鳴 蕪水舉人 乾隆五十二年任 余端 興國州舉人

彭維運 德安舉人 嘉慶二年任 劉本孝 漢陽孝感舉人 嘉慶六年任 唐德玉 荊州監利舉人 嘉慶十五年任現任

典史 始設於雍正六年

張景星 陝西人 朱淇祥 浙江人 錢照 浙江人

宋澹 浙江山陰人 沈永慶 江西人 金堂 浙江人

九嗣基 山西臨汾人 王愨仁 四川成都人 沈鈺 浙江人

袁述 福建監生 乾隆四十六年署 和 浙江仁和監生 乾隆四十七年任 趙承祖 江西奉新人 乾隆五十年任

葉光國 江寧上元縣人 乾隆五十四年署 張 浙江山陰監生 乾隆五十四年任 李 廣東德慶州監生 嘉慶六年任 璉 順天府大興縣監生 嘉慶十四年署

呂偉儀 安徽寧國監生 嘉慶六年署 沈紹棟 浙江山陰監生 嘉慶八年任 章 順天府大興縣監生 嘉慶十四年署 晟

陳鐘泰 湖州監生 嘉慶十四年署 沈國鴈 浙江紹興會稽縣吏員 嘉慶十四年任現任

把總

邱國元 吳友政 黃國正

徐元功 王世龍 葉汝藩 巫山人

張麟 施南人 余國佐 宜昌人 戴人鶴 湖南武舉

柳懋德 陝西武舉 康世龍 施南府恩施人 陳國安 宜昌人 東湖入

龔宏基 東湖入 王欽 東湖入 馬學湯 恩施人

鍾廷科 鶴峯州人 史可富 恩施人

外委

高宸虎 恩施人 賈光德 恩施人 龔宏基 東湖入

尹魁 桃源人 譚倫 恩施人

名宦 宋明各人

李庭芝宋嘉熙四年權施州衛建始縣訓農教稼選壯士教之期年皆知戰守無事則負耒而耕有事則荷戈而戰宣撫使孟珙倣其法於所部行之咸淳中為兩淮京湖制置使督師援荆楚德祐二年知樞密院事泮右丞相赴援至泰州遇元兵戰敗不屈與其

將姜才死之史臣以比唐之張巡許遠云

譚朗然字子明茶陵舉人明嘉靖初任建始雖居僻壤能不鄙夷其民悉心撫字勸課農桑時稱循吏

本朝佐其選彞陵州人建遭兵亂人烟稀少公於康熙三年領憑至夔州府接篆四年偕典史永德至縣携一僕懇棘披荆共民出入者三閱月勞來安輯招回流入賊營者數百人給以牛種務農殖穀民以少甦

吳李芳湖廣進士康熙二十三年以內閣中書改補建始前建始入學者少公修葺學宮多方訓迪三年土著入學者二十餘名建邑人文由此始少少振興矣入名宦祠

史晟福建舉人康熙二十六年選建始令時當兵亂田畝荒蕪糧僅二十碩零公廳俱草房公殫力經營建瓦房以肅治體又重修學宮俾人知嚮學凡常平義倉皆公所詳請增置也撫民招墾益賦八十餘石治績蓋卓卓焉

武令謨山西進士留心民瘼培植人才邑人秦應光少孤且貧公竒其才命與已子共讀朝夕提命應光後舉鄉試任河南浙川縣令有循聲皆公之力也公於邑人士其他亦多所成就



祀典志

典禮重於天下而此地祭享大抵弗克備物且喬僿少文矣顧不惟其文惟其意兢兢於陟降對越之際抑重念夫成民事神之非有兩途而凜茲昭鑒無得罪於百姓也豈惟廟壇秩祀靈爽式憑即佛寺道觀亦何莫非驚惕人心之一助也夫志祀典

廟壇

文廟始在城西康熙十二年邑令譚性學改建治北二十四年吳令季芳重修之三十年史令晟復改於城西北隅四十六年劉令洪徵雍正十年武令怡乾隆十八年邱令岱屢經修補並建明倫堂於正殿之左三十三年嚴令錫統又加修葺大抵皆因陋就簡不能堅固以圖久遠故未有歷三十年不傾頽者四十八年冬署令陳瞻遂捐俸首倡重修諸士民踴躍輔助正殿輝煌壯麗蔚然改觀餘亦將漸次修理現今崇聖祠三間大成殿三間東西廡各三間戟門三間東名宦祠一間西鄉賢祠一間左明倫堂三間外櫺星門泮池週圍墻垣俱全

武廟在西門內正街知縣余本詳請修理正殿三門捲棚三間後崇聖祠前戲樓左右廊房現今完固

城隍廟在西門大街亦於余令任內重經葺治正殿  
三間東西列十曹前建戲樓

玉皇閣治北門外

泰山廟治北門外

火神廟治東門外

三義宮治北門外

社稷壇在西門外演武場之左

風雲雷雨壇在舊在西門外今與演武社稷同壇

先農壇在東門外雍正五年祖令永繩置買藉田四  
畝九分建祠宇三間於壇後八年武令怡復修門樓  
一座於壇前

厲壇在北門外

文昌祠向即於五陽書院供奉文昌乾隆三十五年  
知縣陳璽書勸捐改建於東門外高阜之上久經傾  
圮乾隆五十六年知縣趙源生于故基修建閣三間  
圍牆大門俱全嘉慶十五年知縣羅洪鑄勸捐改建  
於西門城內學署之左

龍神祠南門外

蠶神祠在先農壇左

節孝祠向在學署左雍正九年知縣武怡修正屋三間

牌坊一座歲久倒塌乾隆四十二年訓導江會默同  
士民捐修因後坍塌移請於鄉賢祠右

寺觀

石門佛寺 治東一百二十里

對佛寺與石門寺相對

普恩寺 治東一百里

祖師殿 治東一百八十里

鳳凰觀 治南八十里

雲霧觀 治西二十五里

鳳尾觀 治西二十五里

戴陳觀 治西二十里

朝陽觀 治西三里

下堤觀 治北二十里

下堤寺 治北二十里

學校志

建始自宋元祐年詹器之以宏博魁天下迨後列科  
目者無幾學校人才久凌夷衰微矣而今乃寢寢日  
盛詎非我

朝人文化成之效歟抑更望司鐸之官與此邦人士共勉  
之也德行文章甲乙科之興本於學校故選舉附焉

志學校

建邑撥入楚省仍照原額文童歲科各入學八名武童歲考入學八名乾隆三十七年施南增設府學八名因將建邑學文額減一名歲科各入七名撥入府學各二名四十年府學復設武額四名建學武額減一名止入七名撥入府學一名廩額二十名增額二十名間年一貢仍舊

書院在縣署北名五陽書院以邑建陽朝陽當陽景陽巫陽也乾隆二十年知縣邱岱因文昌祠舊基勸捐建立房屋大小十間將餘剩銀及李七岫官荒地租銀作師生膏火嗣後知縣余本復捐湊銀兩買民李汝傑水田九坵並勸捐鄉民文常九水田基地一處每年共收租穀二十六石二斗

選舉

詹邈 宋元祐二年狀元今銅鑼墳是其故里基址猶存有石獅石象相傳謂即公墓

明于智 向進壽 向賢 于昇

向思 經歷 李道 兵馬司指揮 李仲傑 州同 于德綱

王槐 縣丞 向得第 向諫南 冉嵩

歐拔 通判 黃連 龍友貴 黔江訓導 黃一龍

向栢 徐試 石麟 雅州學政 于調麟 上海知縣

向聯第南川訓導 龍為正武進縣丞 李永春拔貢 劉應諭渠縣教諭  
向門第

本朝進士舉人

陶仁明丙戌進士 洪日旦庚子舉人 江公葉己酉舉人 王壁己酉舉人  
趙國望甲子舉人 陳憲丁卯舉人 李正華戊子舉人 譚獻策丙子舉人  
秦應光字舉人 范述之丁酉舉人 侯華冕甲午武舉 田勇丁酉武舉  
龍德元己亥武舉 袁若隆癸卯武舉 朱真玫壬子舉人

貢生

李含春 劉允達 李宗白 吳天弼  
龍登榜 薛魁 吳震監利訓導 劉克宣沔州訓導陞東湖教諭  
向孔璠 劉珣黃安訓導 黃大棟鄭縣訓導陞京山教諭 龍麟璜江夏訓導陞安陸教諭  
孫華竹溪訓導 黃永光 龍麟瑗長陽教諭 王秉正  
黃天佐 秦欽 龍縉雲 于江選枝江訓導未任  
黃道祥 向興 周炳 黃綱選枝監利訓導未任  
向大忻 尹啟麟 吳綱 冉鈺  
朱文傑 劉日枚 范佑聖 田春  
譚帽 黃繹 劉珮 于興禮  
文元琦 劉日桐 于廷言 黃興岱  
喻琳拔貢 江如桂 易世則 龍綸鈞  
龍澤江 謝瓊 吳正宜誼 冉興校

田衍廉

胡南杰

郭志元

于祖誠

王士紱


邱明新

秦廷球

張問仁

李正鑿

陳知新贊



建始縣志卷之下

武備志

建始為楚西南邊末邑而地處萬山界連巴蜀蓋亦形勢控扼一重地也考營制之設始撥自巫山自存城介胄而外凡衝要處所設置塘房汛兵專其責於城守貼防之營弁以統隸於施南協府其為備豫不虞計至深遠矣

國家承平百餘年而思患綢繆若此討軍實而申儆之大小將弁豈得以兵革不作之日而遽忘守禦與至於舖遞之設雖于營制無關然其所建置亦皆孔道要隘還雜土行人守上者時寄以詰奸之責則亦塘汛之屬之所可相連而及也志武備

塘汛

建始舊屬四川夔州府康熙年分防守備一員兵丁一百名後改屬巫山營設把總一員兵八十名乾隆二年改隸楚省巫山分防官弁兵丁悉撥屬施南協管轄額設兵丁一百零二名四十二年添設石門汛外委一員分防塘兵共七十四名存城二十八名計塘汛十七處

龍駒河塘

河水坪塘

火風口塘

林羊口塘

景陽口塘 清江堡塘 柴隴塘 紅沙溪塘  
 茶寮塘 上堤鋪塘 石舊驛塘 蒲潭溪塘  
 小堤塘 核桃園塘 石門塘 柴家荒塘  
 楊柳荒塘

舖舍

前明規制簡畧僅有上堤菜頭二舖其餘槩未設立  
 國朝康熙二十年後始於縣城直東及東北等處由建通  
 巴巫路設舖房六處直南及西南等處由建赴施南  
 郡城路設立舖房三處東南及迤北等處由府赴巴  
 東路設立舖房三處共舖房十二處接遞往來公文  
 又青崖老龍洞等處為居民搬鹽要路險隘難行雍正  
 十二年知縣武怡捐俸修葺草房以棲行旅立巡  
 役撥工食稽查私鹽從此奉巫梟販不敢竄入境內  
 此舊志所載今廢無存今舖遞十二處計舖兵三十  
 名每名工食六兩共銀一百八十兩按季赴司請領  
 縣前底舖 龍駒河舖 牛角水舖進施南路 馬水河舖  
 小堤舖 乾溝舖 石門舖 連三坡舖  
 菁口舖芭東路 羊背隴舖 核桃園舖 紅崖子舖府芭東路

建置志

設險守國則城池重蒞官聽治則衙署重貯穀備荒



則倉廩重禦暴利涉則閔梁重之數者之在建邑其  
不足比于大都名邦也多矣然有其舉之規制罔替  
百廢俱興之

朝即荒陬而可見一斑也志建置

### 城池

縣城前明正德初夔州府知府吳潛壘石為城週圍  
五百五十丈計三里有竒後屢遭兵火倒塌始盡今  
東西門畧存基址西南城牆尚有存者城門四東曰  
峻瞻星閣邑文昌閣在東門外西曰竒矚仙蹤朝陽觀在西門外山頂最為可峻觀內塑祀各仙時著靈異南  
曰雄帶河流南關外有大小二河北下流會合境內請水北曰秀接巫峯北門外路通巫山烏山得此巫山秀邑北山亦秀絕

### 衙署

縣署在城中央昔皆草房後漸易以瓦乾隆三年武  
今怡請領公項增修三十九年吳令森詳請借廉重  
修今頭門三間二門三間東西書皂房六間大堂三  
間二堂三間住房三間廚房三間書房六間門房二  
間圍牆共九十九丈五尺  
縣丞署在大岩嶺乾隆五十年奉文修建五十六年  
冬請領現估銀兩旋即興工修建完竣  
儒學署在西門內雍正九年知縣武怡訓導岳爾藩  
暨紳士捐修大堂三間內廳三間廂房一間頭門三

間後周以土垣乾隆三十二年訓導段枝萃及闔學生員復加修葺

典史署在縣署左舊係主簿衙基

國初裁汰雍正九年始設典史縣令武怡詳請動公項因舊基修建衙署後復坍塌乾隆三十四年典史亢嗣基捐資重修四十五年典史沈鈺復詳請借廉重葺今大堂三間二堂三間住屋三間廚房二間廂房二間衙皂房四間

### 倉廩

常平倉在縣署內右偏舊係典史衙基康熙五十五年改造常平倉六間雍正九年增建五間貯穀四千石嘉慶十三年知縣羅洪鑄詳請借廉修建共十二間石舊驛社倉一所貯穀二百五十二石六斗九升四合

### 關梁

建陽關	治南二里	石門關	治東一百二十里
野山關	治東一百三十里	石乳關	治西一百一十里
興隆橋	治南一里	通進橋	治北門外
指南橋	治北一里	宣化橋	治北門外
板橋	治北十里	烏龍橋	治北二十里
石門橋	治東一百二十里	毛茸河橋	治東一百四十里

貞節志

建邑故未有士夫著稱者而女貞間著即其事實亦  
闕有間矣守土者蓋不忍遽聽其湮沒已也因前令  
武君節孝祀碑泐僅具其姓氏匹耦粗為次定將欲  
訪松筠之遺躅而音徽杳矣惟蒐討之無從徒臨風  
以泝寫而其他賢士大夫功業文章磨滅而無聞者  
抑又何可勝歎哉志貞節  
龍譚氏里民龍麟全之妻  
于黃氏廩生于天晟之妻  
黃向氏里民黃大勝之妻  
何李氏里民何允俊之妻  
冉孫氏里民冉爾俸之妻  
向陳氏里民向友乾之妻  
楊于氏里民楊加秀之妻  
黃向氏里民黃加隆之妻  
王楊氏里民王嵩周之妻  
向黃氏生員向孔文之妻  
何向氏里民何其全之妻  
黃孫氏里民黃興福之妻  
喻高氏里民喻國仕之妻

向黃氏里民向登義之妻  
吳湯氏里民吳洪泰之妻  
楊吳氏里民楊君誠之妻  
姚張氏鄉民姚耀廷之妻也夫亡夫志熊姓強欲娶  
之因自縊乾隆三十六年題請奉

旨旌表給銀建坊在縣治南一里道左

黃孫氏里民黃崙之妻

鄭張氏生員鄭文會之妻

劉于氏生員劉日楨之妻

龍向氏生員龍麟九之妻

張李氏里民張光宗之妻

龍董氏里民龍相之妻

劉氏里民劉瓊之妻

李劉氏里民李永校之妻

唐吳氏里民唐達先之妻

張蔣氏里民張天福之妻

向于氏里民向大宗之妻

姚張氏里民姚之妻

黃宋氏里民黃天柱之妻

江龍氏里民江業之妻

向鄧氏里民向 乾之妻  
車蕭氏里民車 瑞之妻

### 風俗志

觀俗在野將辨其習尚之奢儉貞淫以施其激揚磨礪之術立政修教胥由此矣建雖僻壤而風俗可考顧惜乎前成之多缺畧也博訪而詳誌之小夫女子家常瑣細罔有罣漏聊以當輶軒之采耳志風俗建邑風俗簡陋婚啟第以庚帖紅僉填註男女生年月日時而姓名行次不注往往有以此爭婚搆訟者及至親迎奠雁廟見之禮亦不廢云喪葬多作佛事每逢一七之候輒延僧道諷經禮懺直至百日止即紳士之家亦往往有此歲時伏臘間循古制亦多沿俗習清明之期前後三日家各造紙旗插標祭掃坟墓士大夫之家有祠堂者先一日集子姪兄弟以序昭穆端陽佳節具蒲觴作角黍餽遺贈答來往如織時屈中元家家接亡魂封化冥祇備如毀薦至十五日而始徹拜中秋佳節賞月飲酒招邀親舊歡呼流連往往徹宵秋成後流寓之民治行滕而回籍土著之家販猪隻而貿易入此室處婦子相聚者蓋少矣

男耕女織農家之常而茲邑女紅絕少皆勤耕作水陸田地男婦作苦與共貧家農戶婦女有跣足而插秧者過客多目笑存之然愛土田而重本業傳諸通都大邑亦未始非山林之佳話也

俗不尚衣冠絲履氈巾越羅齊紈無有也其舉秀才列明經者夏月或着衲襦遊街衢冬則貧緼袍而富羊裘取足禦寒而已山野之中無取紛華為不泯淳悶之遺風然其視彼都人士愧無色矣

好鬪喜訟睚眦小嫌輒奮拳勇相尋仇讐甚至有損軀弗顧者因小事構訟多架大題牘之虛尤喜砌詞相攻訐摘發陰私每多無稽近日

功令森嚴整齊化導厥風丕變

### 物產志

地阻則納汙巒奇多有秀山邑草木鳥獸之族之所以紛錯不齊也然而俛仰陳迹今昔各殊舊志載虎豹豎諸猛毒物數十年山荒道通絕蹄跡矣多材大木欲如昔日之取携而已不可得蓋人烟多而尋斧斤者衆也要之闢荒蕪而勤樹藝幽國之葵菽勝於豫章之杞楠斯足紆

聖天子宵旰衣食念民艱鮮之

憂思矣名花珍禽舊志所列今不具備或載華之過其實  
歟娛耳目而悅心志要亦不足深論也鐵硝尚旺不  
昔若顧好民或因之而為利而爭訟滋興畧各  
大憲嚴檄飭諭至于再至于三堅明約束無滋擾害  
是則良有司之責也夫志物產

穀類

粘穀 糯穀 包穀 粟 高粱 黃豆 菜豆  
蕎麥 芝麻 酥麻 早穀 燕麥 蕨粉 葛根

蔬類

白菜 菁菜 油菜 芥菜 菠薐菜 莧菜 芹菜  
蔓菁 薑 蒜 葱 韭 薤 蘿蔔  
萵苣 冬瓜 西瓜 南瓜 苦瓜 玉瓜 菜瓜  
茄子 豇豆 蛾眉豆 刀豆 葫蘆 瓠子 茭笋

菓類

梅 杏 桃 李 棗 梨 栗  
核桃 枇杷 林檎 葡萄 石榴 木瓜 柿  
柑 香椽 香菌 茗 藕 茨菰 芋頭  
芡實 白果

花類

牡丹 芍藥 海棠 蘭 玫瑰 映山紅 十姊妹

粉團 荷 芙蓉 菊 山丹 梔子 鳳仙  
剪絨 繡毬 葵 薔薇 玉簪 鷄冠 桂

紫荊花 金銀花

木類

香楠 垂楊 梧桐 松 柏 杉 椿  
柳 槐 檀 楸 楓 檜 黃楊  
烏桕 冬青 榲 橡 棕 竹各種

藥材類

黃柏 黃連 黃精 厚朴 沙參 五倍子 五加皮  
牛膝 當歸 防風 赤芍 葛根 紫蘓 白芷

花粉 梔仁 天冬 車前 薏苡 桑寄生

雜產

茶 桐油 黃蠟 白蠟 蜂蜜 鐵礦 硝

煤炭

禽獸

狐狸 豺狼 猿猴 鹿 獐 麂 野豬

豪猪 山羊 山驢 獾子 九截狸 松鼠 穿山甲

鸕鷀 竹雞 杜鵑 百舌 黃鸝 班鳩 喜鵲

麻鵲 烏鴉 啄木 燕子 野鴨 鷹 鷓鴣

催生



建邑四山環合少晴日風亦時發無暴烈獨多雨熏霧冬不甚寒雪鮮盈尺冰無堅厚夏亦不大熱伏天扇不停揮夜裸卧不覆衾纔數日耳春後雖暖却有餘寒秋涼較早氣候與外間不同此據近城言之也至風巒高峻林木叢雜之處則夏不知暑冬陰即雪地凍拆亭午冰乃融夕仍宜結沮洳泥滓汙人履襪春深始有乾土盖一邑之中其寒熱燥濕不同而產物類亦多異云

### 藝文志

邑自昔少文士騷人又萬山亘互為賢士大夫車轍馬跡所不到故文藝眇焉網羅撫拾自有明以至本朝得詩文若干大抵皆流連景物懷人送別諸作無關紀載之大顧其篇什復寥寥也山陬僻壤少藉是潤色之資若夫大筆濡染成宏富之卷帙是所望於方來志藝文

### 重修文廟記

學校者人才所自出也我

皇上崇文重道雅意作人實於前代為度越而茲邑

聖廟殿宇摧頽圯墮趨拜於荒煙蔓草間是非有司之責歟芳不敏竊大惧儒學蕪廢興慨于衿罔以稱

上德意且重益守土罪戾爰進諸生而詢之知邑原有  
聖殿燬於明末兵燹我

朝康熙十二年邑侯譚君特為營造曾幾何時肅條若此  
豈山陬僻壤遂為

聖靈陟降所不到而人文化成之盛事獨不可見於此  
地耶夫三蘇之文章四陳之氣節蜀中人才昔曾照  
耀寰宇矣茲固蜀疆而銅羅邛墟實維宋詹狀元邈  
誕育之區訪水邱而問釣遊至今父老猶有能言其  
地者可見人才不擇地而生而鼓舞培植之必有其

文廟為先務之急矣爰以紳士鄉耆之同心咨度經營  
鳩工庀材不擾不亟自冬徂春四閱月落成妥侑有  
所陟降如在泮宮之詩曰魯侯戾止言觀其旂而繼  
以濟濟多士克廣德心異日者學成而才裕邑人士  
熙績亮工以光輔

王國也芳亦藉以宣

上德而奉厥職欣觀儒術經濟之盛豈惟競科名而邀利  
祿云爾哉

新建石門佛寺記

乾隆三十七年夏四月之上浣舍以新築施南府城

道經建始縣之石門石門者山石中洞如門往來人  
必出入門以為路人從巴東來傍石虎山東北下趨  
而南三里許至石叢橋橋稍西乃西南上行而北五  
里許至石門穿門出稍北列垂如簷土人依巖結茅  
屋簷下市酒飯以待行人小憩崖下林木排立自石  
叢橋望之可歷登數東西相對可呼應而上下經時  
乃達當是時余未至石叢橋即望見石門高處有金  
身螺髻狀世間所塑如來佛者一又有白髯公冠巾  
而侍者一其林木枝葉間放光如金凡累累指視從  
者曰無見也至橋下馬熟視猶在上而至石門無有  
矣夜宿施南二僧見夢曰衣敝願舍新衣許之而覺  
此其日之所見幻而入夢者耶既歸鄂城述異於我  
母太夫人太夫人曰是當作寺即寺於石門巖屋之  
右琢石為像如所見一為如來佛一為伽藍尊者其  
旁為小廳事官人過客謁寺可憩息落成當勒成余  
惟余素不善事佛佛乃於我現丈六身枝枝葉葉放  
大光明倘如佛氏言有所謂因緣者也石門之為門  
幾千百年其地不有佛佛乃今得寺石門倘亦有所  
謂因緣者也夫使余不視城無由至石門不至石門  
無由見佛光明即無由作寺子不語神怪而曰如在

其上如在其左右今余所見非直恟恍窮冥如之也  
夫豈狂言以惑世要以歸之於因緣也云爾廼作頌  
曰不生不滅是生生無住無去必有住佛在人心亦  
在眼光明在眼却在樹石門石虎相對出澗水中流  
無休息如來也昔草鞋錢伽藍到此脚一歇說與路  
人莫失迷千秋摩挲此碑碣

建始八景

邑令

劉珙徵

靈秀攸鍾地向陽金烏鼓翼出扶桑寒光郎映千山  
曉暖氣融生萬壑芳花綻朝曦鋪錦繡鳥喧新霽奏  
笙簧儼然鄒律噓燕谷共樂堯天化日長當陽旭日

疊嶂嶙峋勢蜿蜒中通一竅透青天晨光入穴方知  
曉夜月當空始見圓昂首上瞻辰極迴盱衡仰瞻列  
星懸蜀山多有靈虛境非藉題吟妙不傳石洞通天

春潮帶雨下山溪巨壑飛濤望迷形若淇泉分左  
右派同瀾澗別東西涓涓流潦千條合浩浩洪波兩  
岸齊漫到長江誇勝槩一灣新漲入詩題雨溪春漲

五柱相攢象若花夕陽遙映勢崄岈峯頭靉靄雲常  
繞嶺上蒼茫霧半遮昏樹陰陰來宿鳥晚霞烟烟逐  
歸鴉邊陲咸樂熙隆景樵歌牧回日影斜五花暮靄

巖巖怪石倍嶺岈浴霧涵烟氣象寒豈是支機來海

上漫疑劍閣聳雲端秦皇何事驅難去蜀主徒勞鑿  
未殘莫謂塊然頑鈍物天生一柱作奇觀 大石峯巒

岿峩此地號為關苔蘚紛披玉女顏飛雨過時山積  
翠落花粘處石生斑濃鋪霞彩粧眉鈿淡抹雲烟繞  
鬢鬟望去風光增麗秀却愁險峻路難攀 建陽翠黛

路轉峯迴地始平雲開溪淨月華明烟涵碧落金波  
湧影照寒空玉鏡瑩一片清光分上下兩輪皓魄共  
虧盈登臨擬待三秋後領畧良宵仔細評 望坪偃月

一窪清淺類蹄沔聞有靈虬迹可尋曲水誰來飛羽  
爵沈瀾正好鼓牙琴源通石罅流通澗注作淵泉沛  
作霖澄澈四時長不竭相沿禱雨比桑林 靈泉甘雨

馬上口號呈建昌李令 宋 黃廷堅

驛亭新似眼般明箐路開如掌樣平誰與長官歌美  
政風搖松竹是歡聲

送建始譚令 明 張居正

天涯人去倍離憂故國情多感昔遊燕市有金神駿  
老長門無賦翠蛾憂雲邊鳥送青鳧下峽裏江翻碧  
樹浮白帝城頭天萬里相思應上最高樓

核桃園 嵩同知 商 盤 字寶意浙江人

停鞭核桃園漸近建始縣連朝陟層巒到此稍平善

如經霜雪餘復覩陽春面崖草寒不枯石瀨緩猶濺  
稻畦半高低竹塢多葱蒨此景似江南村居頗堪羨  
勞生困風塵知歷幾郵傳驂騑路道長蟋蟀年華晏  
失足因坦夷束身在磨練良趾利永貞危途慎勿踐

清史館舊藏寫本

民國十九年二月國立北平圖書館鈔

